

798—803 Israhelitam esse concedat, ut dignus efficiaris, non solum verbis dicere, sed et opere  
Ioh. 1, 47.  
ib. 1, 49. implere: 'Rabbi, tu es filius Dei, tu es rex Israel'. Hunc sequere, donec videas eum  
ib. 21, 2.  
ib. 21, 6. cum beato Petro et filiis Zebedaei stantem in litore et clamantem: 'Mittite rete in  
dexteram navigii, et invenietis'; uti post hanc piscationem ad convivium vocato<sup>a</sup> dica-  
ib. 21, 12. tur tibi inter ceteros sanctae piscationis socios: 'Veni et prande'. Quid hoc convivio  
dulcius? quid hac praesentia beatius? ubi sempiternum nullo fine clauditur gaudium.  
ib. 21, 11. Ad quod tantummodo magni pisces seligentur, qui, non scisso rete, apostolica capti  
sunt praedicatione, crescente numero ab uno usque ad decem et septem propter deca-  
logum et septem sancti Spiritus dona. De cuius numeri mira divisione et signi-  
ficatione olim me scripsisse<sup>1</sup> memoro, dominoque meo David dixisse<sup>2</sup>, calido caritatis  
corde, in fervente naturalis aquae<sup>b</sup> balneo<sup>3</sup>. Ubi te, alumne, praesentem esse non  
ignoro.

Saluta Luciam<sup>4</sup> sororem nostram et filiam Columbam<sup>5</sup>. Deprecare<sup>c</sup> eas memores  
esse senectutis meae in sacris orationibus et salutis suae in bonis operibus. Nec illis  
tuae decorem sapientiae abscondas, sed inriga florentes bonae voluntatis in eis areolas.  
Sap. 6, 13. Quid pulchrius<sup>d</sup> sapientiae floribus, qui<sup>e</sup> numquam marcescunt? Quid scientiae divitiis  
locupletius, quae numquam exhauriuntur? Ad has exhortare eas. Vivant in medi-  
tatione legis Dei die ac nocte, ut eum inveniant, quem scripsit Moyses in lege et  
Ps. 1, 2.  
Ioh. 1, 45.  
Gen. 32, 26. prophetae. Teneant eum nec dimittant, donec introducantur in cellaria regalis gloriae,  
Cant. 1, 3.  
ib. 2, 5. ut ordinata caritate floribus aeternae beatitudinis fulciantur<sup>f</sup>; mittente sponso de tha-  
Ps. 18, 6.  
Cant. 2, 6. lamo suo praesentis prosperitatis levam sub capite earum et dextera aeternae beati-  
tudinis amplexetur eas.

Epistolam vero parvitatibus meae<sup>6</sup> cum sanctissimo divinae scripturae munere die  
Dec. 25. natalis Domini et verbis salutationis pacificis redde domino meo David. Cui tantas  
grates et laudes agimus pro omnibus bonis, quae mihi meisque filiis faciebat, quantas  
habet liber ille syllabas; et tantas a Deo dari benedictiones illi optamus, quantae  
in eo litterae leguntur scriptae.

Vive Deo felix, fili, florentibus annis,  
Ut te conservet Iesus ubique tuus;  
Quo sine nil prodest cuiquam vaga gloria saeculi.  
Nate, memor patris semper, amate, vale.

## 263.

*Alcvinus Remedium episcopum Curiensem ut pro se precetur rogat. 801—803.*

*Cod. H fol. 64'—65.*

*Edd. F 200, J 262. — Migne col. 446.*

DESIDERANTISSIMO PATRI REMEDIO EPISCOPO CURIAE CIVITATIS<sup>7</sup> HUMILIS  
LEVITA ALCVINUS SALUTEM.

Memor dilectionis vestrae et foederatae olim amicitiae inter nos, has tuae reve-  
rentiae, optime frater, litterulas dirigere curavi ob recordationem prioris pacti, quod

262. <sup>a</sup>) vocatus H. <sup>b</sup>) atque H. <sup>c</sup>) deprecari H. <sup>d</sup>) pulchris H. <sup>e</sup>) quae H. <sup>f</sup>) fulceantur H.

1) ad Arnonem episcopum Salisburgensem anno 796. post Aug. 10, v. ep. 113 supra p. 163. 2) sine  
dubio eodem anno 796; v. n. 1. 3) Aquisgrani. Einharti vita Caroli c. 22: Delectabatur etiam (Caro-  
lus) vaporibus aquarum naturaliter calentium. . . . Ob hoc etiam Aquisgrani regiam exstruxit.  
4) Gislam abbatissam Calensem, sororem Caroli imperatoris, cf. supra p. 357. 5) Rodtrudam, imperatoris  
filiam. 6) ep. 261 supra p. 418. 7) Cf. supra p. 118 n. 1.